

御製釋迦牟尼佛讚

如來勝相徧十方
頂髻圓光無不照
譬如大海納百川
又如海水起諸泡

言五

具足萬行顯微妙
無量無礙性恒存
一滴徧涵諸水味
一泡中含一海體

五

須彌微塵納芥子
大威大智大神通
能立最勝之大法
猶如大風吹海波
一點露滿於塵刹

一毫徧攝於大千
甚深甚廣甚方便
演說無量最上乘
散作甘雨徧世界
今溥清淨悉清涼

法雲大周於十方
普護衆生無露迹
有如雷音海潮音
世人有耳悉能聽
咸悟圓覺及妙覺

徵心演法顯真如
一心萬行之本源
領者由凡而入聖
以證信心爲實心
以大智海爲性海

妙具種種之勝色
如八寶蓋勝吉祥
遠震十方無所礙
由聞以入觀一同
善巧方便出世間

五陰六入亦如是
真心自性恒冥寂
解者超斷以除緣
以寂靜境爲真境
以慧妙國爲住持

以法身而體色身

以無相而攝有相

智身光明如日月

照臨隨現於世間

衆生心性亦如是

一切與佛無分別

若能斷除諸障垢

自然獲此智慧心

令彼凡夫悉解脫

如渴飲水成醍醐

若能精進無退轉

堅固心等金剛山

諸善男子善女人

及諸聲聞與緣覺

聞是真諦誦讚歎

歡喜樂受作思惟

無量無邊消劫塵

口變無等甘露味

如是功德不思議

庸愚俱至妙菩提

隨緣感應無不周 願使衆生皆成佛

藥

華

鳥

藥

佛一百八名讚經

言五

六

宋三藏法師法天奉詔譯

歸命一切智 一切世間師 牟尼大法王

一百八名號 無邊功德海 具足衆吉祥

能滅諸有情 罪業諸煩惱

永樂北藏

一伽陀一贊三經同卷

第七五冊

我今歸命禮 一切大吉祥 救度諸羣生

今得大安樂

我今歸命禮 悲愍二足尊 圓滿於衆生

一切吉祥事

我今歸命禮 無相無上尊 成就天中天

祕密大明義 如來正等覺 利樂於世間

最上百八名 我今集彼說

南無一切義成就南無正等覺南無一切智

南無大釋子南無一切法自在無畏南無大

金僊南無功德海南無如來南無應供南無

善逝南無世尊南無一切世間解南無離一

切垢染南無最上法燈南無無畏淨飯王子

南無甘蔗王種南無瞿曇南無日族南無吉

祥大年尼南無覺礙羅娑族南無天人師南

無十力降魔軍南無離過除毒南無調御丈

夫南無妙解脫南無除障暗南無止息降諸

根南無清淨戒南無無垢王南無滅罪無我

相南無無驚無怖畏南無第一法圓滿南無

無邊無可喻南無大論師南無希有不思議

精進南無三界親慈父南無三明知三世南

無滅三毒南無具足三變通南無說三乘菩
提南無無相亦無老南無無我無二執南無
無怨無戲論南無無業無怖南無施願無畏
南無法師子二足尊南無調伏除煩惱南無
最上意清淨南無明行足南無自在變化王
南無調伏心清淨南無離塵無上士南無止
息一切罪南無得清涼南無得寂靜南無救
度世間師南無勇猛大清淨智南無圓滿吉
祥相南無能除怨南無沙門月南無釋師子
南無作善清淨業南無六佛法莊嚴南無六

根清淨眼南無第一六神通南無六趣海到
彼岸南無無師自然覺南無善逝德成就南
無一切世間爲愛樂南無無等大智慧南無
恒入三摩地南無一切有情利益王南無眞
實降諸根南無一切世間尊南無普徧有情
精進者南無水過輪迴苦南無圓滿諸所求
南無降伏得最勝說四諦南無到彼岸度他
大龍王南無得最上涅槃南無尊師大梵行
南無第一寂靜樂南無秘密最勝大丈夫南
無調伏聲聞者南無利益諸有情南無世間

供養出世智南無聖智照世間南無離世法
利養南無出世爲如來南無大法主南無大
法王南無調御明南無救度第一二足尊南
無行忍辱南無善意端嚴相南無善持善戒
相南無金色光善逝南無善逾愛尊重南無
人師子吉祥雲南無佛陀南無無畏獨除暗
南無無邊利世間南無無等三有師南無能
斷諸結縛南無無我最第一南無普照一切
眼南無證理淨慧眼南無三慧真實眼如是
一百八名若復有人於其辰朝發志誠心或

十五

讀誦或禮念或憶持或聽聞獲得最上吉祥
福德所有一切煩惱及諸罪業速得清淨不
受輪迴常得解脫乃至成佛

此大牟尼功德名 我今讀誦及禮念
普將迴施與羣生 同得證成菩提果

佛一百八名讚經